

辛稼軒年譜

蘇東坡



文史叢書之一

辛稼軒先生年譜

鄭騫編

中華民國廿七年五月出版

辛稼軒先生年譜一冊

每冊定價九角

著者 鄭 騫

印刷處 協和印書局

代售處 各大書店



版 權 所 有

## 辛稼軒先生年譜序

因百與予於詞皆喜稼軒。記同寓西郊，每相見，必論辛詞。賞奇析疑，輒至夜分。君年富而資敏，博聞而強記。雖少予近十歲，予固畏友視之。因勸君爲稼軒長短句校注，且戲之曰，他日書成，則真所謂鄭箋也。君亦笑而應之曰，諾。歲月易逝，倏忽七稔，而校注竟成。予曾見其手稿，十數鉅冊，細字如毛，未嘗不嘆其用力之勤與用心之細。若今之稼軒先生年譜，則又詞注之旁出而橫溢者也。按前乎君而爲稼軒年譜者有三焉：曰辛啓泰譜，曰梁啓超譜，曰陳思譜。辛譜簡略而紕謬；梁譜爲宋城之書，又每多臆斷；陳譜較詳，顧亦參考未週，議論穿鑿。又三譜於稼軒帥湖南，再帥江西，帶湖第宅落成，及落職歸里諸大端，未能考定其歲時。生平遺事軼聞，搜羅未盡。至於稼軒友人之生卒年月，過往踪跡，更多遺而未舉，或語而不詳。今之新譜，旣糾三譜之失，復補三

譜之遺。君之爲是譜也，凡南宋人別集筆記之傳於世者，皆已盡讀其全書。復旁採別史地方志以補正宋史。出語必有根據，故斷案亦不鑿空。以予所知，參考書籍已及百有廿餘種，加之以手疾眼明，宜乎其成茲偉著哉。蓋至是而稼軒立身之大節，謀國之大計，以及親賓往來，燕居遊處，乃昭然釐然於紙上。後之人亦得以復親先生警欬於千載之前。夫如是始可謂讀其書，知其人也已。夫學問之道，後來居上，固已。然使君於前此三譜，綜合之，刪削之，雖體例詳明，議論覈實，其事亦似匪甚難。今則正訛補漏，憑藉少而創獲多，則其事又甚匪易易也。自維薄謏，譜錄之學，素所未習，於君此業，毫無補助。事前既不能獻一言，書成亦不能易一字。而君殷殷以序見命，且堅囑勿辭。或者過從之密，聞見之審，可以成書之經過告之讀者乎？異日詞注殺青，如不棄，將更爲序之。二十七年六月，清河顧隨。

# 辛稼軒先生年譜

鄭 騫 因百 編

先生名棄疾，原字坦夫，後改幼安，自號稼軒居士，追諡忠敏。

其先隴西狄道人，後遷山東濟南，故世爲濟南人。先生於宋高宗紹興末南渡，孝宗淳熙中始築室於江西上饒，寧宗慶元中徙居鉛山，卒葬縣南之陽源山。其後裔遂爲鉛山人。遷濟南始祖維叶，大理評事。高祖師古，儒林郎。曾祖寂，賓州司戶參軍。祖贊，朝散大夫，隴西郡開國男，亳州譙縣令，知開封府，贈朝請大夫。父文郁，贈中散大夫。母系未詳。

改字事見乾道元年。世系據辛譜，辛譜則根據辛紹業在鉛山所得濟南辛氏家譜。所記祖父名諱仕歷，與本集進美芹十論劄子相合，當可憑信。先生母家姓氏無考，或家譜有之而辛譜未載。辛譜但云維叶官大理評事遷濟南，未詳時代。梁譜云在唐時。大理評事官唐宋皆有，梁說殊嫌無據，今仍從辛譜，闕疑俟考。

昆弟可考者二人：曰祐之弟，曰茂嘉十二弟。祐之是族弟，茂嘉是否同胞未詳。

祐之茂嘉，並見詞集，蓋二人之字，其名未詳。陳傅良止齋文集卷四十二，有跋辛簡穆公書一文，其全篇云：「簡穆公行藏見國史，且天下能道之，余不復道。曩余守桂陽，歲旱，流言往往以郴桂間民，略死徙矣。祐之時在長沙幕府，具以所聞言之故帥直徽猷閣潘公德鄰。潘公下其說兩郡，蓋甚侵余與丁端叔也。余二公頗恨，然忌幕府不敢白。已而識祐之，乃佳士耳。余既相得，會他郡巡檢下軍人廩不繼，屬祐之即其廬勞苦之。天大寒，彌兩月，雨雪沒馬股。祐之崎嶇行盡閩郡，得軍中人之心以歸。余方恨賢勞，而祐之欣欣無一咎言。以是益知其人。苟便於民，雖極言不以爲口過；苟不便於身，雖忘言可也。簡穆公爲有後矣」。岳珂愧郗錄卷六云：「辛參政次膺諡簡穆」。光緒江西通志云：「辛次膺，萊州人，登政和二年進士第，值山東亂，舉室南渡，寓居浮梁縣之最高山」。先生送祐之歸浮梁詞凡若干首。據此諸事，可知祐之乃次膺之後，與先生爲遠族兄弟。其事跡僅見陳跋。韓元吉南澗甲乙稿有跋辛企李得孫詩一文，未言其孫之名，陳譜以爲即是祐之，殊嫌武斷。

。茂嘉事跡無考；恐亦是先生族弟。劉過龍洲詞有送辛幼安弟赴桂林官沁園春一首，不知是茂嘉或祐之，抑先生尙另有一弟。沈曾植稼軒詞小箋，梁啓勛疏證及陳譜並以爲是茂嘉，亦嫌無據。宋史三三三三次膺傳及江西通志，並云字起季，南澗稿作企李，蓋拆用後漢李膺姓名，起季似是後來改字。

夫人姓范氏，邢台人，左宣教郎鎮江通判邦彥字子美之女，忠訓郎公安縣令如山字南伯之女弟。有子九人：植，栴，極，穰，穰，穰，穰，穰，穰。穰早殤。諸子乳名有曰鐵柱曰嵩者，未知各爲某子。女至少二人。壻陳成父字汝玉，福建寧德人；范炎字黃中，如山長子。女有名潭者，未知爲某女。

劉宰漫塘文集卷三十四公安范大夫行述：「公諱如山，字南伯，邢台人。父諱邦彥，皇任左宣教郎，添差通判鎮江府。通判宣政間入太學，其後陷虜，舉進士，以蔡近邊，求爲新息令。歲辛巳，率豪傑開蔡城以迎王師，因盡室而南。通判葬鎮江丹徒，故公遂爲郡人。」又云：「公女弟歸稼軒先生辛公棄疾。辛與公皆中州之豪，相得甚。」至順鎮江志云：「范邦彥字子美，邢州唐山人。子如山字南伯。」南伯



曾爲公安縣令，官終忠訓郎，並見行述。唐山即今河北堯山縣，在邢台北甚近，金始置縣，故行述仍稱邢台。先生何時婚於范氏，今不可考，當在南渡之後。九子之名及次第，據辛譜所引鉛山辛氏家譜。八子名皆從禾，惟隱獨異，或係因其早殤，未及正式命名，隱字蓋乳名也。梁譜以爲隱是長子，說近附會，未能遽信。本集清平樂爲兒鐵柱作詞有「更宜潭妹嵩兄」之語，鐵柱及嵩，自是乳名，潭想亦是乳名。陳成父事見紹熙三年。詩人玉屑卷一，趙章泉題品三聯條云：「片片梅花隨雨脫，渾疑春雪墮林梢；三年受用惟栽竹，一日工夫半爲梅；淵明不可得見矣，得見菊花斯可爾。余以此六句爲道章少隱，王夢致應求，范炎黃中十四字師號。范乃稼軒壻也。」范南伯行述云：「公二子，炎爲長，今官宣教郎，前知常州晉陵縣。」洪咨夔平齋集卷十九，范炎辭免赴都堂審察特轉承議郎與宮觀制云：「高帝有求尊賢顯士之詔，而魯兩生不至。朕收攬衆正，如茅斯拔；爾顧安貧樂天，不屑弓旌之招。易所謂「履道坦坦，幽人正吉」非耶。進秩賦祠，姑遂雅志；病愈造朝，尙其有待。可。」其事當在理宗朝。黃中何時婚於辛氏，未詳。

梁譜據本集浣溪沙壽內子詞，「朱顏却對白髭鬚，兩人百歲恰乘除」之語，假定夫  
人之年幼於先生者不少。按范南伯長於先生十歲（見下），若范氏兄妹年相彷彿，夫  
人之年或竟長於先生。即使夫人少南伯十五歲，亦不過少於先生五歲，梁說絕難成  
立。劉一清錢塘遺事卷三趙方威名條，記趙爲荆湖制置時，厚待先生之子某及其母  
（見六十八歲）。按趙方制置荆湖在嘉定中，見宋史寧宗紀。使遺事所記不誤，是先  
生卒後十年夫人尙在也。然此子之母是否爲先生繼室或姬妾之屬，殊難考定。惟本  
集無悼亡痕跡，夫人去世似在先生之後。

宋高宗紹興十年（金熙宗天眷三年） 庚申 先生一歲

生於五月十一日卯時（辛譜）

宋史本傳記先生紹興壬午歸宋時年二十三，本集臨江仙壬戌歲生日書懷詞首句云「  
六十三年無限事」：依此二者上推，生於本年。韓玉東浦詞水調歌頭上辛幼安生日  
詞首句云「重五日過六，靈嶽再生申」，重五過六，正五月十一日。辛譜所記當是

本於鉛山辛氏家譜。

吳芾(明可)三十七歲。(朱熹大全集卷八十八芾神道碑)

蔡松年(伯堅)三十四歲。(金史卷一二五松年傳)

虞允文(彬父)三十一歲。(楊萬里誠齋集卷一百二十九允文神道碑)

王炎(公明)二十六歲。(見淳熙五年)

李燾(仁甫)二十六歲。(宋史三八八燾傳)

傅自得(安道)二十五歲。(朱熹大全集卷九十八自得行狀)

洪适(景伯)二十四歲。(洪汝奎洪文惠公年譜)

韓元吉(无咎)二十三歲。

元吉南澗甲乙稿易繫辭解序云：「余淳熙戊戌歲既六十有一」。

吳交如(亨會)二十三歲。(京口耆舊傳卷二交如傳)

王正己(正之)二十二歲。(樓鑰攻媿集卷九十九正己墓誌)

汪大猷(仲嘉)二十一歲。(攻媿集卷八十八大猷行狀)

程叔達(元誠)二十一歲。(誠齋集卷一二五叔達墓誌)

趙彥端(德莊)二十歲。(南澗甲乙稿卷二十一彥端墓誌)

洪邁(景廬)十八歲。(錢大昕洪文敏公年譜)

施師點(聖與)十七歲。(葉適水心集卷二十四師點墓誌)

陸游(務觀)十六歲。(錢大昕陸放翁年譜)

盧彥德(國華)十六歲。

姜特立梅山續稿卷五，送盧漕詩序云：「國華郎中與余同門同里又同甲子」。同書卷十七有詩題云：「文文公洛中會四同甲，皆丙午七十八，余乙巳，與丙午相屬，歲數偶同，戲作」。據此二者，可知國華生於宣和乙巳。

周必大(子充)十五歲。(益國文忠公集附錄年譜)

范成大(致能)十五歲。(周必大平園續稿卷二十二成大神道碑)

王佐(宣子)十五歲。(陸游渭南文集卷三十四佐墓誌)

王淮(季海)十五歲。(玫瑰集卷八十七淮行狀)

楊萬里(廷秀)十四歲。

乾隆江西刻本楊文節公集附錄其子所作墓誌云：開禧二年(丙寅)卒，年八十。與集中浩齋記自云淳熙己酉年六十三，上陳勉之丞相書自云壬子年六十六，丙辰年七十之語相合。宋史四三三萬里傳云年八十三，誤。

趙像之(民則)十三歲。(誠齋集卷一百十九像之行狀)

陳居仁(安行)十二歲。(玫瑰集卷八十九居仁行狀)

朱熹(晦庵)十一歲。(王懋竑朱子年譜)

范如山(南伯)十一歲。(劉宰漫塘文集卷三十四如山行述)

錢之望(表臣)十歲。(水心集卷十八之望墓誌)

張拭(敬夫)八歲。(朱熹大全集卷八十九拭神道碑)

張孝祥(安國)八歲。(孝祥于湖集附錄宣城張氏信譜傳)

覺懷英(世傑)七歲。(金史一二五懷英傳)

曹 虛(困明)六歲。(玫瑰集卷一百零六虛墓誌)

周 孚(信道)六歲。(見淳熙四年)

羅 願(端良)五歲。(願鄂州小集附錄小傳)

呂祖謙(伯恭)四歲。(祖謙東萊集附錄年譜)

陳傅良(君舉)四歲。(傅良止齋集附錄蔡幼學撰行狀)

樓 鑰(大防)四歲。(宋史三九五鑰傳)

陸九淵(子靜)二歲。(九淵象山集附錄年譜)

崔敦詩(大雅)二歲。(南澗甲乙稿卷二十一敦詩墓誌)

趙汝愚(子直)一歲。(張端義貴耳集卷上云「趙忠定庚申生」)

袁說友(起巖)一歲。(說友東塘集附錄家傳)

王自中(道甫)一歲。

陳傅良止齋文集卷五十五自中擴誌，魏了翁鶴山大全集卷七十六自中墓誌，俱云慶元五年(己未)卒。擴誌云年六十，墓誌云年六十六，宋史三百九十自中傳亦云卒年六十，今從多數。

宋史本傳云：「棄疾所交多海內知名之士」。右所列諸人，皆與先生有相當關係而年歲事跡可考者。惟張孝祥楊萬里無與先生往還痕跡。但先生詞頗受孝祥影響；萬里集中有數處述及先生，又同時仕宦，相識當屬可能。故並附於此。

紹興十一年（金熙宗皇統元年） 辛酉 一二歲

宋殺岳飛，和議成，稱臣納貢於金。（續資治通鑑）

紹興十二年（金皇統二年） 壬戌 二三歲

彭龜年（子壽）生。（樓鑰攻媿集卷九十六龜年神道碑）

孫逢辰（會之）生。（周必大平園續稿卷三十四逢辰墓誌）

紹興十三年（金皇統三年） 癸亥 四歲

陳亮（同甫）生

同甫龍川集卷二十二告祖考文云：亮年二十有六易名曰亮而首貢於鄉，而皇祖下世

己十閱月』。卷二十七先祖府君墓誌銘云：『先祖歿於乾道三年十二月二十七日』。據此可知乾道四年同甫二十六歲，自此上推，生於本年。

趙蕃（昌父）生

昌父章泉稿附錄劉宰所作墓表云：『今天子御極之元年，歲己酉，宰相以先生名聞，有旨除太社令，三辭不拜。越三年，差主管華州雲臺觀。明年夏四月，致仕，又閱月而先生逝矣。紹定某年月日，壽八十有七』。所記皆理宗時事，理宗寶慶元年，歲在乙酉，此作己酉，誤。乙酉越三年爲紹定元年戊子，又明年是二年己丑。據此上推，生於本年。

紹興十四年（金皇統四年） 甲子 五歲

紹興十五年（金皇統五年） 乙丑 六歲

楊炎正（濟翁）生

江西詩徵小傳云，楊濟翁名炎正，慶元二年（丙辰）進士。楊萬里誠齋詩話云，予族



弟炎正，年五十二乃登第。據此上推，生於本年。

紹興十六年（金皇統六年） 丙寅 七歲

紹興十七年（金皇統七年） 丁卯 八歲

倪 思（正甫）生。（魏了翁鶴山大全集卷八十五思墓誌）

紹興十八年（金皇統八年） 戊辰 九歲

紹興十九年（金廢帝亮天德元年） 己巳 十歲

紹興二十年（金天德二年） 庚午 十一歲

紹興二十一年（金天德三年） 辛未 十二歲

隨祖居開封。

本集聲聲慢嘲紅木犀詞題云：「余兒時嘗入京師禁中凝碧池」。先生以祖朝請公贊會知開封，隨侍在側，故得入宮禁。事在何年，今已無考。按進美芹十論劄子云：「大父臣贊，被污虜官，歷宿亳，涉沂海，非其志也。每退食，輒引臣輩，登高望遠